

葵峰詩鈔

千雲



一

庚午年秋
月
日
月
日



燕峯詩鈔作者費密曾流寓泰州此本係根據今年得自本市之乾隆鈔本所傳鈔經與怡蘭堂叢書內所刊之燕峯詩鈔互為參校鈔本詩較刊本多至二百餘首而刊本亦有二十餘首為鈔本所無又全詩中間有與刊本詩題相同而詞句差異者鈔本均仍其舊茲為充實內容特將所缺之二十餘首增補於後以供研究者之參攷

泰州古舊書店附記 一九六四年



荷衣詩鈔

二自山房輯錄

成都費經虞仲若

喜張象翀至揚州話舊

吾子何時至鄉音入耳新久為吳地客終是蜀山

人沽酒坐中夜看花到暮春百年才論定只恐愧

芳鄰

張子與兒密同耕臨邛間他鄉遇故知此一快也而況兵後

思蜀

垂老無家只自憐不堪往事益淒然春來更覺傷

人意寒食青青麥滿田

歸田吟

崇正己卯孝廉任雲南昆明令遷郡丞以亂謝病歸

家破猶餘半畝塘
杜鵑啼處柳絲長
騎牛不到人間去
白髮蕭蕭曬夕陽

雪

高城臨水浩無涯
雪片飛來奪月華
天上遂教殘玉樹
人間重與種瓊花
丁年絕域迷歸路
寒夜孤舟未抵家
吳越乍聞歌楚調
空流老淚向琵琶

梅花嶺

傳說隋朝苑孤墳
亂草中逢人求故事
何客號于嵩

揚州郭外

扶杖出門去春郊事盡非棘生馳馬路水沒古人
磯巢毀鶯雛散天寒鶴語稀故鄉耕種早飄泊不
能歸

往定軍山下潘氏授徒

國亂民生感西南久困兵流離無所食鄉塾事猶
清花啟新蓬戶書傳舊讀聲一官如夢斷垂老只
諸生

亂後還家成都殘民無粒食者三年取草根
為食

亂林深處絕鴉棲虎豹聲高夏日低留得殘生無

食物青山白日鑿黃泥

燕峯集序

成都費此度先生客臨汀哀其生平所著詩文若干卷書來謂弘也閱之予讀之既又呼子弟共讀至五日七日不能自休乃起而歎曰此非今人之文而後世必傳之文也天下尚文久矣學士家操筆為文者亦既盡國而是盡邑而是矣然攷古數今一代之中傳不數人一人之文傳不數篇世安得傳人亦人之精神自為傳耳我不能自為傳而待後人之表章而傳或選定而傳其傳之也僅矣笙竽之激楚也以時計草木之榮華也以日計以

月計山水流峙歷古今而不斁者彼固自有恒德
之貞而非隨耳目為近玩者也此度之為文何如
哉釋經繹史而不以勦說戾前聞不以私心誣舊
學原本道德稱述先民使天地往來生成運會之
理先王之大經大法皆得體用備見而不使百家
之說競喙爭鳴下至贈送將貽亦必人如其言言
如其人不為偽辭飾說顛倒是非以博人之喜悅
嗟夫此皆當世所不講之學所不問之書此度獨
專力而好為之文章公物也原不爭一人之信從
一時之毀譽即使此度今日一字不存付之雜燒

投之溷廁錮之井底而予終謂此度必傳蓋其精神固在千百世而豈愛此旦夕為也昔揚雄書成謂當世不識寧待之後世子雲此千古著書人猛心定力非後人之所敢望若朝春而暮嚮焉吾慮其有市心矣此度以避亂踉蹌出蜀歷盡艱難愁苦之境居維揚華麗之鄉有年衣冠言動不改其常樸貌古心望之如耕野石農深山道士使人可親而不可狎敢敬而不敢憐惟其有此度之人是以有此度之文也夫近此度得末疾扶杖而後能起立願此度自愛久留歲月為後進典型予即視

此度五年以長猶將舍所學而願學焉公子錫琮
博聞強記侍此度南來搜集先代遺賢名字不多
為人記憶者擬人各為立傳以成一代之書繼三
唐詩話夫自為必傳之業而又恐人之失傳也乃
急急傳之其為事甚難而其心絕苦非有志之士
孰復為之哉叔皮孟堅明允子瞻之間吾不知何
以位置公家父子也康熙癸酉初秋長汀同學弟
黎士弘敬序

燕峯詩鈔

二自山房輯錄

成都費密此度

游覽

山中

採藥不知還偶來身即閒
月過燒葉處雪滿起雲
山猿狖寒藏果熊羆老見斑
菖蒲石上節久餌駐
朱顏

移家入山

非為求高隱而來就此閒
晨光開遠樹春氣結深
山雀矢污梅實蟲腥爛竹斑
從今徐孺宅不復在

人間

過成都草堂寺

西川文獻久，化離重拜先朝杜拾遺。渺渺大江青
草合，迢迢高閣白雲吹。公憐故國應呼客，我訪遺
文更向誰。二十年來思避席，一燈相對喜還悲。

彭蠡得月

霽雨回山氣，平湖一鑑收。夏寒人睡早，良夜客心
清。將以觀魚浪，因之得鳥聲。坐中皆舉目，各有詠
懷情。

朝天峽

詩觀作感
榜人

一過朝天峽巴山斷入秦大江流漢水孤艇接殘
春暮色偏悲客風光易感人明年在何處妻子共
沾巾

虛字下得最妙孝威評

浮溪

日暮入村落松杉客坐新雞豚散在野兒女聚觀
人禮樂餘三代藤花隔四隣家山獨烽火流蕩至
今貧

紡車口

七日五縣路三百六十灘山深無人至好鳥相繇

蠻松樹大十圍霜葉如渥丹此中有隱者抱朴髻
毛斑

棧中

棧閣通秦道青天未易行筆下不能見其學力盡過奇絕處不負有平

生白馬岩中出奇語破荒黃牛壁上耕野花埋輦跡幸蜀只

空名

奇確

江上晚泊

昏氣滿孤嶼滄江途尚遙天寒將作雪風急欲收
潮棲鳥青楓樹歸人白板橋酒家隨意宿明日進

蘭橈

亂後過臨淮効才調體

城郭淒迷暮靄殘平原飛鳥啄秋寒人民化骨田
無種腥血成燐晝不乾千乘已消三歲蓄一書寧
使萬方安赤眉銅馬烟銷盡風雨長征道路難

山上觀黃葉

一岡無數葉層層回首淒然已不勝落日自飛隋
故苑秋風誰掃漢諸陵孤根蟠路春巢鵲千尺凌
霄夜宿鷹不用傷懷陰盡散扶蘇重滿共君登

翟村